

জাতীয় প্রাথমিক শিক্ষা সপ্তাহ শুরু আজ

নিজস্ব প্রতিবেদক >

'শিক্ষিত মা এক সুরভিত ফুল, প্রতিটি ঘর হবে এক একটি ফুল'-এ স্লোগানে আজ বুধবার থেকে শুরু হচ্ছে জাতীয় প্রাথমিক শিক্ষা সপ্তাহ-২০১৫। প্রাথমিক ও গণশিক্ষা মন্ত্রণালয় এ বছর ১৪ থেকে ২০ জানুয়ারি শিক্ষা সপ্তাহের আয়োজন করেছে। আজ সকালে রাজধানীর ওসমানী স্মৃতি মিলনায়তনে কর্মসূচির উদ্বোধন করবেন প্রধানমন্ত্রী শেখ হাসিনা। অনুষ্ঠানে সভাপতিত্ব করবেন প্রাথমিক ও গণশিক্ষা মন্ত্রী মোস্তাফিজুর রহমান। শিক্ষা সপ্তাহ উপলক্ষে সারা দেশে বিভিন্ন কর্মসূচি হাতে নিয়েছে প্রাথমিক ও গণশিক্ষা মন্ত্রণালয়।

এ উপলক্ষে গতকাল মঙ্গলবার পৃথক বাগী দিয়েছেন রাষ্ট্রপতি মো. আবদুল হামিদ এবং প্রধানমন্ত্রী শেখ হাসিনা। রাষ্ট্রপতি তাঁর বাগীতে সবার জন্য শিক্ষার লক্ষ্যসমূহ অর্জন এবং 'রূপকল্প-২০২১' বাস্তবায়নে সবার সক্রিয় অংশগ্রহণের আহ্বান জানিয়েছেন। তিনি বলেন, সভ্যতার বিকাশে টেকসই উন্নয়নের বিশ্বজনীন অগ্রদূত সহযোগী হতে সরকার তথ্যপ্রযুক্তিনির্ভর সমৃদ্ধ বাংলাদেশ গড়ার লক্ষ্যে 'রূপকল্প-২০২১' ঘোষণা করেছে। এ রূপকল্প বাস্তবায়নে লুশিফিত, দক্ষ ও কারিগরি জ্ঞানসম্পন্ন জনশক্তির একান্ত প্রয়োজন। প্রধানমন্ত্রী শেখ হাসিনা তাঁর বাগীতে সবার ঐক্যবদ্ধ প্রয়াসের মাধ্যমে শিক্ষা খাতে সরকারের 'রূপকল্প-২০২১' বাস্তবায়ন করে জ্ঞান, বিজ্ঞান ও প্রযুক্তিতে বাংলাদেশকে বিশ্বসভায় মর্যাদার আসনে তুলে ধরার দৃঢ় প্রত্যয় ব্যক্ত করেন।